



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 12. december 2011

J.nr.: 01.31.06/11-00560

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/11-00560 pillugu tallimangornermi ulloq 9. december 2011-mi aalajangiineranik Naalakkersuisunut ilisimatitsineq.

Atuartunut angerlarsimaffinnik ilinniartunullu inissiaqarfinnik sanaartornissamut aningaasaliissutissanik qinnuteqaat

Naalakkersuisut **inassutigaat**,

- kontomi pingaarnermi 84.40.15-imi, Ilinniartut inaannik sanaartornermut tunngasumi, suliassaq nr. 080.52.064-ip, Sisimiuni GU kollegiet 1-imut tunngasup, taaguutaa imatut allanngortinneqassasoq: Sisimiuni GU kollegium 1+2 init 2x50, aamma
- kontomi pingaarnermi 84.40.15-imi, Ilinniartut inaannik sanaartornermut tunngasumi, suliassaq nr. 100.52.065-ip, Aasianni GU kollegiet 2-mut tunngasup, taaguutaa imatut allanngortinneqassasoq: Aasianni GU kollegium 2+3 init 2x50, aamma
- kontomi pingaarnermi 84.40.15-imi, Ilinniartut inaannik sanaartornermut tunngasumi, aningaasaliissutit katillugit 141,0 mio. koruuninik amerlineqassasut, 2011-mi agguarneranni suliassamut nr. 150.52.071 Uummannami atuartut 50-it inissaat, aningaasaliissutit 40,0 mio. koruuninik amerlineqassallutik, suliassamut nr. 180.52.072 Tasiilami atuartut 27-it inaasa nutarternerat, aningaasaliissutit 7,0 mio. koruuninik amerlineqassallutik, suliassamut nr. 080.52.064 Sisimiuni GU kollegium 1+2 init 2x50, aningaasaliissutit 45,0 mio. koruuninik amerlineqassallutik, suliassamut nr. 100.52.065 Aasianni GU kollegium 2+3 init 2x50, aningaasaliissutit 45,0 mio. koruuninik amerlineqassallutik, aamma suliassamut nr. 020.52.076 Ilinniartut 8-it inissaannik pisineq, Qaqortoq, aningaasaliissutit 4,0 mio. koruuninik amerlineqassallutik, aamma
- ilassutitut aningaasaliissutissanik qinnuteqaatip matuma kingunerisaanik 2011-mi IST-p inernera 141,0 mio. koruuninik ajornerulersinneqassasoq.

Aningaasaqarnermut Ataatsimiititaliap oqaaseqaatai

2011-imi aningaasanut inatsimmut sanilliullugu katillugit 160-200 mio. kr.-inik immikkut isertitaqarnerussuteqarnissaq maanna naatsorsuutigineqarpoq. Isertitaqarnerussutissatut taama taggiinnermut ilaatigut tunngaviupput uuliasiornermi aatsitassarsiornermilu ingerlatat annertunerat ilaatigullu nioqqutissanik eqqusuinermi akitsuutinit iluanaarutit ikiliartornerat.

Nunatsinni ilinniartut inaasa atuartullu angerlarsimaffiisa iluarsaannissaat allilerneqarnissaallu siunertaralugu isertitaqarnerussutit ilaat taakku sanaartornermi immikkut suliniuteqarnissamut atornerqarnissaat qinnuteqaat una aqutigalugu kissaatigineqarpoq.

Ilaatigut

aserfallatsaaliuinissapk

kommuninit

imaluunniit

Namminersornerullutik/Namminersorlutik Oqartussanit tigummineqarnersoq isumaqatigiinngissutigineqarsimammat atuartunut angerlarsimaffiit nunatsinni maanna piuvut ataatsimut isigalugu pitsaanngillat. Taamaattumillu qinnuteqaatip ilaa taanna atuartut angerlarsimaffiannut nutaamut aammalu allanngortiterinermut tunngasoq eqqarsaatigalugu atuartut angerlarsimaffii nutaat iluarsaateqqammersullu aserfallaqqeqqunagit atuartut angerlarsimaffiisa ingerlaavartumik aserfallatsaalineqarnissaasa qulakkeerneqarnissaa ataatsimiititaliamit immikkut piumasarineqartariaqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni tunngavissiissutigineqartullu naapertorlugit Naalakkersuisut inassuteqaataat Aningaasaqarnermut Ataatsimiititaliamit akuersissutigineqarput.

Aningaasaqarnermut Ataatsimiititaliaq sinnerlugu

Olga P. Berthelsen
Siulittaasup tullia